

泰安府志序



予昔游岷溪方先生之門
先生方奉

命纂一統志而予充編校之後
先生每曰一郡稿成校勘
再三始發鈔錄及觀清本

鐫漏又見班覆之而更寫
焉自謂已無遺憾乃萃觀
各府州志而叔牙相抵者
且百出矣蓋志地之書在
於辨區域徵因革析之必
界畫承遞瞭然合之必脉

絡交會無垠斯可以備稽
核而歟考鏡不始其何以
謝後者之警警友以先生
之才之學之識豈小儒所
敢望而其言如此信乎化
志之難未可苟為所以郡
縣之志徧天下而卓然可
傳者卒不多覩歟山左向
有馬定宇譔安邱縣志最
為善本與宗次道之長安
志范致能之吳郡志羅鄂
州之新安志崔浚渠之安

陽志康對山之武功志後
先並稱其他見稱於世者
蓋亦罕矣庚辰春泰安太
守顏君濬溪以其所初府
志稿視予且請為序取而
讀之喜其考徵紀述博而

有要簡而能瑣非苟且作
者可同日而語至如稽訪
泰之沿革辨微鄉之非激
子封邑數十條皆援据精
當足以訂舊志之訛解千
載之惑雖其視安邱一志

不知可比肩與石試以質
之望溪先生必當許可惜
乎先生既沒不可得而見
也不佞承乏海岱前後十
餘年嘗以齊魯山川人物
甲於天下乃自于欽高乘
陸載通志而後數百年間
訖少善志大懼玄舊章散
佚而文獻無徵得是書一
洗承訛罷陋之舊談其為
老學為鉅手而區區之心
亦良用慰已後有化者將

以覽形勝察風土其於是
乎取則焉

賜博學鴻詞出身通議大夫山
東按察使仁和沈廷芳

譔



泰安府志叙



希深守泰安郡七年自惟
食

國家厚精兢兢惟不克負荷
是懼竊謂有一郡之責則
凡疆里沿革之故政治得

失之由與夫土宜民風人
文盛衰之變皆當周知而
切究顧與其藏之胷中不
如載諸簡冊之尤著明也
且泰安自政府後歷二十
四季司牧之官凡幾易而

志乘闕如使非及今編輯
何以揚

聖朝雅化而資攷鏡於方來於
是乃延仁和成君成山暨
海寧王君岷望益都李君
莖畹歷城周君書昌慈谿

邵君桂海相與共理庶事
閱十一月而告成舉其大
綱凡十有六為卷三十有
二夫脩志之難自古言之
在此邦則尤甚府屬七邑
前皆隸於他郡舊牘大半

無徵鄉之士大夫或遠仕
或伏處山林詎易造廬而
諮訪至州縣諸志率多謬
悠不足為據惘惘然持三
寸之管日從事於斷碑蠹
簡之中其為書也不亦難

乎雖然希深竊有樂於此
蓋昔之為志者處荒陋之
區務挾藻飛文以補其所
不足今府境於古兼齊魯
宋其山水人物雄傑之概
徃往為天下所仰重第即

境直書而規撫自異其可
桑者一昔之為志者襲舊
人之緒論拘牽附會甚能
出其範圍今剔事方謀始
網羅放失舊聞斷以己意
固不必強異於昔至亦何

庸盡同於逞籍其可樂者
二抑聞之是是非非者三
代直道之公也昔范石湖
作吳郡志有求載某事不
獲者詆為偽書康對山作
武功志褒貶較然至今傳

為第一志彼二子者皆良
史才惟無所私繫於其中
故能自遂其筆墨之性今
并諸君子杜門却掃無賓
客之雜請託之緣其於紀
人紀事如鑑空衡平悉稱
其實而已無所與斯不有
至樂者存乎以其所梟易
其所難夫如是雖才識未
能過人而倣史為志庶幾
留此一編為異日橐本焉
亦聊以盡吾一日之責爾

矣若謂垂勸戒厲風俗即
藉手為報稱之資非希深
之所敢自信也是為叙
乾隆二十五年歲次庚辰
仲春上浣之吉中憲大夫
知泰安府事調任濟南府
知府連平顏希深謹序



序

子漢書

郡邑之有志乘國史之本
也自非具三長知五難者
不克任蓋事在創發凡起
例苟失之誣即無以信今
而傳後事在日修殘補闕

或失之矯亦未免游光而
掠影均於史無裨也若夫
名曰而實創者其分并損
益機緒勢如而欲舊章新
憲攷覈詳確一衷于至當
則更難之難矣秦安之為

郡也按史記泰山之陽則
魯其陰則齊唐書天文志
岱嶽衆山之陰為女虛危
衆山之陽為奎婁是地理
星野雄麗甲天下天柱撐
空提封千里鍾靈毓秀英

賢輩出洋、乎非僅冠冕
二東實寰中一大都會也
秦漢以來沿革不一雖歸
方州要皆濟郡所屬自我
宗憲皇帝念岱宗為群岳長歷
古帝王燔柴望秩之所且

拱衛

神京地當南北衝要改州為
府置附郭一邑割新泰東
平等六城隸之形勝更擴
於前州舊有志拘牽傳會
襲陋仍訖不可卒讀豈文

獻之不足徵與抑董斯役
者非良史才與前守顏公
慨然曰泰山萬代瞻仰也
新郡奠安

國家所恃為磐石志曰循弗
舉守土者之謂何爰申請

憲司延余同年友成君總
其事更訪諸名宿佐之擴
撫薈萃不遺餘力顧未合
尖會顏公以調任濟南去
余不敏踵守是邦後仔肩
以鼓其後十閱月而衰然

成帙其間網羅舊聞徵求
近事援古証今絕不參以
臆說凡疆索山川以及嘉
言懿行之屬或分或合靡
不網舉目張犁然具備因
之而寔創之謂非難之難

與他日軒輜採風獻之柱
下以彰

聖朝規制之善聲教之隆有裨
於史冊者豈淺鮮哉余得
藉手以告厥成斯亦幸矣
是為序

乾隆二十五年歲在庚辰
賜同進士出身中憲大夫知秦
安府事會稽陶杏秀撰



改府奏議

雍正十三年七月二十四日吏部咨覆河東總督王士俊等題爲通籌東省府州情形敬陳末議仰祈

睿鑒事今議得河東總督王士俊等疏稱山東一省原設六府後因各府管轄州縣太多幅輳遼濶復分設直隸各州臣自上年親歷東省通閱各地情形查有武定州沂州必宜改設府治業經具題准有部覆奉

旨允行在案尙有曹州濮州泰安東平四直隸州零星錯處查泰安直隸州古號神州甚爲緊要兼之控扼南北通衢民俗强悍頗稱難治知州一官似不足以資彈

泰安府志

卷之前

奏議

一

歷亦應請改爲泰安府以界址毗連之東平州及所屬之東阿平陰二縣改隸泰安合之現在所轄之萊蕪新泰肥城三縣再添設附郭一縣統計七州縣錢糧共有一十七萬餘兩儘可克成府治似此東省整齊十府不特大壯觀瞻實與地方民生均屬永有裨補等語應如所請泰安州直隸州准其改爲府治添設知府一員附郭設立一縣將東平州一缺裁去直隸州名目與所屬之東阿平陰二縣併原泰安州屬之萊蕪新泰肥城三縣統計七州縣准其歸於泰安府管轄又疏稱泰安府應請添設糧捕通判一員管理所屬糧鹽捕盜水利事